

وأسبغ عليكم نعمه | #خطبة_جمعة | د. حازم شومان

حازم شومان

ان الحمد لله نحمده ونستعين به ونستغفره ونعوذ بالله من شرور انفسنا ومن سيئات اعمالنا اللهم انا نعوذ بك من شرور انفسنا ومن سيئات اعمالنا. انه من يهده الله فلا مضل له. ومن - 00:00:00

يضل فلن تجد له هاديا مرشدا. يا ايها الذين امنوا اتقوا الله حق تقاته. ولا تموتن الا وانتم مسلمون. يا ايها الناس اتقوا ربكم الذي خلقكم من نفس واحدة منها زوجها وبث منهما رجالا كثيرا ونساء. واتقوا الله الذي تساءلون به - 00:00:34

قوى الارحام ان الله كان عليكم رقيبا. يا ايها الذين امنوا اتقوا الله وقولوا قولا سديدا. يصلح افتح لكم اعمالكم ويغفر لكم ذنوبكم. ومن يطع الله ورسوله فقد فاز فوزا عظيما. اللهم - 00:01:04

صل على الحبيب محمد وعلى ازواجه امهات المؤمنين وعلى ذريته وال بيته انك حميد مجيد. اما بعد واسبغ عليكم نعمه. واسبغ عليكم نعمه. هذا هو عنوان خطبة اليوم باذن الله سبحانه وتعالى. ومعنا اربع عناصر - 00:01:27

الله. اولاً واسبغ عليكم نعمه ظاهرة وباطنة. ثانياً رحمة ربك رحمة من ربك. ثالثاً فتبارك الله. فتبارك الله احسن الخالقين. رابعاً يرسل السماء عليكم مدراراً. واسبغ عليكم ظاهرة وباطنة نعم الله سبحانه وتعالى. حد مننا يا اخوانا علماء كثير جدا عملوا موسوعة في الكيمياء. موسوعة في الفيزياء موسوعة في - 00:01:47

الفلك ما فيش حد عمل موسوعة في نعم ربنا ليه؟ لو قدرنا نعد نجوم السما مش هنقدر نعد نعم ربنا. لو قدرنا نعد ورق الشجر لو قدرنا نعد حبات الحصى والرمل والتراب في الارض. مش هنقدر نعد نعم ربنا. سبحانه وتعالى. احنا عاملين زي واحد - 00:02:27

يوم لواحد في خمسين مليون دولار. وكل يوم بيكسب خمسين قرش ولا حاجة فيسد له النهاردة ربع جنيه من الفلوس. يسدد له بكرة نص جنيه من الفلوس تقول له الحمد لله انا مدي له حقه. انا الحمد لله باخلصه اول باول. اول باول مين؟ انت ما بتعملش حاجة من اللي هو ادها لك. ربنا غرقنا نعم. فواتير - 00:02:47

النعم دي بنسدها ازاى يا جماعة؟ ييجي واحد بقى عشان صلى الخمس فروض ولا صام اتنين وخميس ولا قال اذكرك صباح ومساء ولا قرا جزء قرآني النهاردة النهاردة يقول لك الحمد لله انا باعبد ربنا بتعبد مين؟ انت بتعمل ايه لربنا؟ مين اللي ربنا سبحانه وتعالى عمله لك؟ مين - 00:03:07

الله سبحانه وتعالى عمله لك. عشان كده الله سبحانه وتعالى يقول واذا اخذ ربك من بني ادم من ظهورهم ذريتهم واشهدهم على انفسهم الست بربكم اللحظة اللي ربنا جمع فيها - 00:03:27

كل البشرية كل البشرية الفراعنة والاوروبيين والامريكان والافريقيين والكنعانيين والاشوريين والعرب والعجم واهل الكرة الارضية في العصر الحجري واهل الكرة الارضية قبل قيام الساعة. ده اول اجتماع للبشرية من اولها لآخرها. الله سبحانه وتعالى - 00:03:41

معهم وهو في عالم وهم في عالم الذر واشهدهم على انفسهم. الست بربكم؟ لكم رب غيري؟ حد انعم عليكم غيري؟ حد يستاهل حياتك والن يبقى هو وجهة حياتك غيري. حد يستاهل مجاهدتك وتضحيتك غيري. الست بربكم؟ قالوا بلى شهدنا ان تقولوا يوم - 00:04:01

القيامة انا كنا عن هذا غافلين يوم القيامة بقى الاجتماع الثاني. الاجتماع الاولاني الكل قال شهدنا شهدنا ان ما لناش رب غيرك. شهدنا انت ربنا شهدنا ان ربنا الله. ولما نزل البشرية الارض ان فطرت لوست الشهوات لوثت الفطرة. الدنيا والشبهات - 00:04:21

والفتن لوست الفطرة فيحصل الاجتماع الثاني للبشرية من اولها لآخرها. يوم القيامة ويسألوا نفس السؤال اللي كل واحد مننا لما ما

ينزل في القبر بتاعه هيسأل من ربك؟ تسعة وتسعين في المية من البشرية هيقول لا ادري لا ادري ليه الفطرة بتاعته - [00:04:41](#)
باظت ما عايش عارف النعم اللي هو عاش فيها ديت. يا اخوانا الارض اللي احنا عايشين عليها ديت ربنا بيرتبها لنا من قبل ما نيجي عليها باربع تلاف مليون سنة - [00:05:01](#)

اربعة مليار سنة ربنا بيرتب لك الارض دي. ربنا بيرتب لك الشمس والكرة الارضية والغلاف الجوي. والجبال والانهار والبحار بعشرين مليون نوع كائن حي اللي على وجه الكرة الارضية. الله بيرتب لك عشان لما تيجي تلاقي الاقامة الفندقية اللي انت عايش فيها النعم الموهلة الجبارة - [00:05:11](#)

اللي غامراك واسبغ عليكم نعمة. كفاية نعمة العافية. يعني ايه نعمة العافية؟ هو ده انا عندي مشاكل ده كل واحد منا قاعد دلوقتي بيسمع خطبة جمعة وجواه هموم وحاسس ان عنده مشاكل كتير جدا. وهموم انا مبتلى في الفلوس وانا علي اقساط. وانا عندي مشكلة وانا عندي مرض - [00:05:31](#)

يا اخوانا انت جسمك فيه الف مليار خلية. الف مليار خلية. معنى انك صحيت النهاردة الصبح ما فيش خلية فيهم. قلبت خلية سرطانبة تنشر السرطان ان انت عليك لربنا على الصبح بس الف مليار نعمة. الف مليار نعمة واحد ماشي. انا مزنوق ماديا. طيب تبيع كبدك - [00:05:51](#)

ميت مليون دولار! طب تبيع عينك بخمسين مليون لو يوروا! طب تبيع كليتينك بستين مليون استرليني! طب انت الثروة اللي جوالك اغنى من اغنى بنك على مستوى الارض كلها. الحمد لله ان انت صحيت النهاردة في بيتك. ما صحيتش النهاردة بسبب القلب في معهد القلب - [00:06:11](#)

ما صحيتش النهاردة بسبب السكر في معهد السكر. ما صحيتش النهاردة بسبب مرض نايم في المستشفى. وسط ملايين المرضى اللي نايمين في المستشفيات. انت ما انتش واحد منهم معنى ان انت بعد خطبة الجمعة هتروح هتلاقي لك بيت. حتى لو البيت ده اوضة تحت سلم. يعني لو مش البيت ده شقة. لو البيت ده اوضة تحت سلم - [00:06:31](#)

لو البيت ده اوضة على سطح ما لهاش سقف. معنى انك هتروح هتلاقي بيت. وهتلاقي فيه عيش وجبنة. مش هقول لك هتلاقي فراخ ولحمة مطبوخين هتلاقي لقمة عيش بجبنة وانت في هدوم لابسها على جسمك حتى لو لابس شوال من ليف. معنى ان معك الثلاثة دول ان انت - [00:06:51](#)

فاغنى من خمسة وسبعين في المية من سكان الكرة الارضية. خمسة وسبعين في المية من سكان الكرة الارضية ما عهمش التلات حاجات دول. ما عهوش قوت يومه مع سكن يسكن فيه مع لبس يكسوه. التلاتة دول لما العلماء حسبوها في الارض لقوا خمسة وسبعين في المية من سكان الكرة الارضية - [00:07:11](#)

الثلاثة دول مجتمعين. معنى ان انت معك فلوس محوشها. محوش مين؟ انا معييش فلوس في بنك ولا حاجة. ده انا كل اللي معي خمس تلاف ولا عشر تلاف مسلا في دفتر توفير - [00:07:31](#)

ان انت معك خمسميت جنيهه عينهم في الدولار للزمن ان انت من اغنى تمانية في المية من سكان الكرة الارضية. اتنين وتسعين في المية من سكان الكرة الارضية اغلى طموح لهم ان هو يبقى معه قوت يومه ما يقدرش يحوش اي شيه. فيه مليون واحد على وجه الارض الان عنده مرض طبيا - [00:07:41](#)

مستحيل يعيش اكثر من اسبوع. انت ما انتاش منهم. انت ما انتاش من هؤلاء. دخلت على موقع ماشي بتوقيت جرينتش الساعة تمانية الصبح لقيت الموقع ده بيرصد اللي بيموتوا بسبب امراض الجوع. اللي بيموتوا على مستوى العالم بسبب امراض الجوع - [00:08:01](#)

الساعة تمانية الصبح يعني بتوقيتنا احنا كده عشرة الصبح. يعني بعد عشر ساعات من بداية اليوم. لان التوقيت بتاعهم ببدا من اتناشر بالليل. بعد عشر ساعات من بداية اليوم لقيتهم كاتبين اللي ماتوا بسبب امراض الجوع. الى الان على في هذا اليوم ستاشر الف بني ادم - [00:08:18](#)

يعني في اليوم ويموت على وجه الارض اربعين الف بني ادم بسبب امراض الفقر والجوع. انت ما انتش من دول. يبقى اللي حاسس مننا ان عنده مشكلة يقول الحمد لله على نعمة العافية. واحد آآ سعودي حصل له احتباس في البول. فودوه المستشفى وجه دكتور. وقعد يعمل له بقى طبعا - 00:08:38

بقى القسطرة والحاجات بقى المؤلمة جدا ربنا يعافينا ويعافي مرضى المسلمين اجمعين. وفي النهاية حصل اضرار للبول. فولاد الرجل ده جريوا ورا الدكتور بقى يحاسبوه ويأخذ كم ويشوفوا طلباته ايه رجعوا لقي ابوهم بيبكي. فيقول لهم تبكي ليه ؟ قال لهم انا طول عمري طول عمري بادخل في الخلاء من غير اي - 00:08:58
والانسان بيقضي حاجته. الدكتور ده جه سبب لي الام رهيبه. وانتم بتجروا وراه بتقولوا له طلباتك ايه تاخذ كم عشان مرة مرة عمل آآ الانسان استطاع ان يقضي حاجته بعد احتباس في المول. امال ربنا احنا ما شكرنا هوش طول عمره - 00:09:18
عمرنا على هذه النعمة زرت احد المرضى مرة آآ شاب صغير كده ما يجيش مسلا سبعتاشر تمتاشر سنة ولا حاجة جا له ورم المخ. الورم مش اه يعني مش من النوع اللي بيسمى خبيث. ولكن الورم دخل على مركز السمع والبصر ربنا يعافينا. فاتعمى هذا الغلام - 00:09:38

واتصلم عاد بيسمع ولا عاد يشوف. امه كانت عشان تقول له مسلا جعان ولا مش جعان؟ او تقول له حد جا لك او تكتب له تعرفه صاحبه مين اللي جا له - 00:09:58
طب لو حرف حرف من الكلمة اللي عايزة توصلها له على ظهر ايده. الحمد لله على نعمة السمع والبصر. الحمد لله على النعم اللي احنا عايشين فيها ومغرقانا. واحد يعني - 00:10:08
واحد يعني اه غني جدا راجل ملياردير وغني جدا ومعه عربية فقرها. فمعي من قدام عمال التراحيل. عمال التراحيل اللي هم بيبقوا الصبح واقفين في بعض اماكن كده يعني آآ عندنا بيقوا قاعدين في مكان معين. كل واحد معه الفاس بتاعه ومستني واحد عايز يهد حاجة. واحد عايز ينقل - 00:10:22
مش ارزقية يعني. فمعي بالعربية بالراحة كده من جنبهم. فواحد من العمال بيقول ياه هي دي الناس اللي عايشة ولا بلاش. فالراجل قام موقف العربية وبدأ يرجع مارشيدير بالراحة. العمال اول ما لقوه بيرجع بعد ما قال كده واحد منهم طلوعوا يجروا. فنزل ينادي عليهم. ما حدش يجري. ما تخافوش مني. فيقول - 00:10:42
مين اللي قال الكلمة ديت ؟ فما حدش بينطق ، قال لهم ما حدش يخاف. مين اللي قالها ؟ فواحد قال له انا. انا اللي قلتها. قال له انت متجوز ؟ قال له متجوز. قال له مخلف - 00:11:02

قال له مخلف قال له عندك ايه؟ قال له عندي اربع عيال ولدين وبنتين. قال له بتاكل فول وطعمية؟ قال له ما لناش غير الفول والطعمية. قال له انا زارع كبد. بعد سرطان في الكبد - 00:11:12
انا زارع كبد. عندي اموال ما لهاش حصر. ولكن ما انجبتش. يعني خلاص كبرت وما انجبتش. ونفسي في سندوتش فول او قرص طعمية من اللي انت ولكن بسبب زراعة الكبد ممنوع ان انا يعني اكل اي حاجة الا حاجات معينة. تاخذ كل اللي ربنا اداه لي وتديني اللي ربنا - 00:11:22

تاخذ كل الفلوس اللي عندي وتديني الزرية اللي معك. والصحة اللي ربنا اداها لك تاخذ كل المال وتديني راحة البال الاكل اللي انت بتاكله ده. فيعني سبحان الله يا اخواني نعمة العافية. ان الانسان يدرك نعمة العافية. احد الفضلاء زار - 00:11:42
تشفى امراض عقلية لقي واحد آآ قاعدينه في اوضة لوحده ومبطين بالقطن والكتان فيقول لهم ليه كده؟ قالوا له لان الرجل ده قعد يكسر مجنون بيكسر راسه في الحيطه وقاعد يدشدش عضمه في الحيطه هو ده الجنون بتاعه. يقعد يكسر عضمه في الحيطه. فعشان يحموه من نفسه - 00:12:02

قطين له الاوضة وقافلين عليه. لقي واحد تاني عنده مجنون عنده صرع وواحد ماسكه. قالوا له ده واحد كل خمس ست ساعات بيجي له نوبة صرع يعني بقى له على هذا الوضع عشر سنين. سبحان الله! لقي ثلاثة تانيين مقيدينهم في كراسي. قالوا له دول الجنان

بتاعهم نوم يكسروا كل حاجة - 00:12:22

لو لقوا تكييف يكسروه تليفزيون يكسروه. اي حاجة قدامهم يكسروها. فربطينهم عشان ما يكسروش كل حاجة جنبهم. دي نعمة واحدة ربنا تديها لك تدفع فيها كم؟ نعمة العقل الحمد لله على نعمة العافية. واسبغ عليكم نعمه ظاهرة وباطنة. ثانية - 00:12:42
رحمة من ربك رحمة من ربك لما الخضر مشي مع موسى عليه الصلاة والسلام والخضر قتل واحد. يعني قتل غلام يعني واحد اب وام بنوم بيقول لهم انا خارج العب مع اصحابي في الشارع - 00:13:02

خرج بيقول الحقم ابنكم اتقتل في الشارع اللي ورا. يعني تخيل الام والاب قهرت قلبهم ساعتها ايه؟ ركب في سفينة مشروع تجاري مجموعة من شباب عاملينه عشان يلاقوا لقمة عيش. خرق السفينة يعني المشروع التجاري اللي الشباب معولين عليه يتجوزوا منه يصرفوا على بيوتهم - 00:13:17

منه يعيش ومنه المشروع باظ. بعد ما كانوا هيكسبوا مبالغ بقوا بالعافية المشروع ممكن يمشي نفسه. يعني في النهاية لما بيفسر لموسى حكمة ربنا في كل ابتلاء حصل من التلات ابتلاءات اللي شفا فقال له كلمة كده في اخر القصة يعني قليل اللي بياخد - 00:13:37

بالة منها. بيقول له رحمة من ربك. وما فعلته عن امري. رحمة من ربك. اوعى في حاجة اسمها الوجه الاخر ابتلاء انت ممكن تظن ان الابتلاء اللي عندك ده ابتلاء شديد وعسير وانت مش عارف الخير اللي في حياتك. وفي دنيتك وفي اخرتك بسبب هذا الابتلاء - 00:13:57

زي اب ابنه مريض. قالوا له ابنك هيموت. طب وبعدين لازم يروح مستشفى ماشي. بس ابنك هيتجوز عامل ايه؟ ما الولا هيموت. وهيدوا له حقن ماشي ماشي ازاى؟ ما هو انت هتعمل ايه؟ ما هو الولا هيموت لازم يستحمل الحقن والا ابني هيموت يبقى ابوه بيدي له الحقن. الواحد لما يبجي - 00:14:17

ابنه يدي له حقنة هو ليه يا ابني؟ يعني مرة وانا بدي لحد من ولادي حقنة فاستغربت قلت هو ما كرهنيش ليه؟ رغم ان هو يعني صغير غير ومش فاهم انا ده انا الوقت بشوكة وبغرز سرنجة في جسمه. طب هو ما كرهنيش ليه؟ قلت لانه عارف ان انا باحبه. فهو موقن - 00:14:37

ان انا اصلا نفسي ان هو ما يتألمش بس انا مضطر ان انا اديها له عشان يروح. فعشان كده ما بيكرهنيش. لانه واسق في. لانه واسق فيا بالزبط كده يا اخوانا الابتلاء يعني حكيم من الحكماء. الناس قعدت كل شوية واحد يبجي يشتكي. واحد يبجي يشتكي. واحد يبجي يشتكي. من حياته ومشاكله - 00:14:57

وابتلاءاته وهمومه. فقام عامل صندوق وقال للناس كل واحد يكتب كل مشاكله في ورقة. وحل مشاكل الناس كلها في الصندوق. لخبط الورق قال لهم كل واحد يسحب ورقة بقى اي ورقة. فكل واحد سحب ورقة واحد ثاني غيره. فكل واحد اول ما بص في ورقة اللي غيره قال انا عايز الورقة بتاعتي. خلاص ده انا الحمد لله ده انا - 00:15:17

الحمد لله انت اللي قاعد الوقتي وشايل مشاكل وهموم انت لو عرفت مشاكل اللي جنبك هتسجد لربنا شكر. على نعمة اللي انت فيها يعني ضرب مسل فاستمعوا له الملك كان عنده وزير مخلص جدا فالملك مرة بيعمل حاجة فسكينة قطعت له صابعه شالت له صابعه خالص من ايده. فالملك بيتألم جدا فالوزير - 00:15:37

قال له احمد ربنا ده خير بازن الله. فالملك اتجنن انت بتقول صابعي اتقطع ويتشال من ايدي وانت تقول خير. خدوه اسجنوه الوزير لما اتحكم عليه بالسجن بعد ما كان وزير قال الحمد لله وده برضو خير بازن الله. مرت الايام الملك نازل رحلة صيد فطلع عليهم عباد اوساجد - 00:16:01

من اللي بيقدموا قرايين بشرية للاوسان بتاعتهم. فخدوا الملك. فجايين يقتلوه عشان يقدموه قربان لقوه صابعه ناقص. فقالوا مش هينفع بعدها يبقى قربان للالهة بتاعتنا لازم حد كامل سليم الجسد. رجعوه. فالملك لما رجع استدعى الوزير من السجن. فقال له انا لما صبعي اتقطع. قلت - 00:16:21

داخل ليه؟ قال له لولا صابحك اتقطع كنت انت كلك مت. وكانوا قدموك قربان. قال له طب انت ما اتسجنت؟ ايه الخير في كده؟ قال له ما انا لو كنت معك كان - [00:16:41](#)

وخدونا هنا قربان مكانك. فالحمد لله ان كل قدر ربنا خير. انكم عشان كده ربنا يقول كلمة خطيرة جدا في اول سورة سبأ وله الحمد في الآخرة. يعني ايه وله الحمد في الآخرة؟ يعني انت دلوقتي في الدنيا في حاجات مش قادر تحمد ربنا عليها. هو حصل كذا ليه؟ طب ربنا ما عمليش - [00:16:51](#)

الموضوع الفلاني ليه؟ فانت ما انتاش فاهم الحكمة. يوم القيامة بقى لما يتكشف الغيب وتعرف حكمة كل حاجة الكافر هيدخل جهنم وهو بيحمد ربنا على كل حاجة. لما الناس تفهم حكمة كل شيء في القدر. ورحمة كل شيء في القدر. يروى ان واحد السفينة بتاعته - [00:17:11](#)

اتكسرت وكل اللي في السفينة غيرهم ولقى جزيرة فراح الجزيرة بقى محطم يعني هيعيش الجزيرة دي طول حياته وما حدش هينقزني تجلد آآ عزمت قوة وقال انا هبدأ حياتي من هنا وما ينفعش استسلم وانهار. فبدأ يجمع خشب بنى كوخ وبعد كده بيتجمع خشب تاني ولع فيه نار - [00:17:31](#)

وبعد كده اصطاد حاجة وبدأ يشويها على النار وبدأ يشوف حياته. النار مسكت في الكوخ ولعت في الكوخ. كل اللي هو قاعد يكافح كله اتحرق في لحظة. فالراجل قعد مهموم خلاص. يعني حتى دي راحت تاني يوم الصبح لقي سفينة انقاز جاية له. فمستغرب - [00:17:51](#)

طب انتم عرفتم مكاني ازاى؟ وعرفتوا ان فيه حد هنا ازاى؟ قالوا له لقينا دخان طالع من السما امبارح بالليل من المكان اللي انت فيه. فعرفنا ان فيه حد - [00:18:11](#)

تحي تبع السفينة اللي غرقت. يعني لولا الكوخ بتاعه اتحرق ما كانوش عرفوا ان فيه حد حي في هذا المكان. يعني الحريقة اللي في حاجة انت نفسك فيها ممكن تكون عين نعمة ربنا عليك. يعني انا ممكن اجيب لك تورتاية - [00:18:21](#)
في علبة ذهبي او علبة بمبي. ولكن الابتلاء يا جماعة انا جايب لك برضو تورتاية ولكن في علبة رمادي. في علبة غامقة. فانت اول ما تشوف العلبة كده قفل ايه ده! ايه ده! انت مش عارف انك لو فتحتها هتلاقي داخلها حاجة جميلة جدا. فداخل كل محنة منحة. عشان كده الكلمة - [00:18:37](#)

الطيرة اللي قالها الخضر لموسى رحمة من ربك. رحمة من ربك. ايه الرحمة اللي في كده؟ واحد مشروع صغير عامله ناس عشان ياكلوا انه يخرق السفينة ظاهريا حاجة مؤلمة. انما لو كانوا قعدوا ايام لحد ما الملك عمل تأميم. تأميم لكل السروات - [00:18:57](#)
بحرية اللي للناس وكان المشروع بتاعهم راح منهم خالص. وقعدوا فقراء معدمين كانوا عملوا ايه؟ وكان وراءهم ملك يأخذ كل سفينة غصب ملك ظالم بيعتدي على اموال الناس وبيعتدي على حرمان الناس وبيأخذ كل سفينة غصبا. الطفل الصغير اللي هو قتله - [00:19:17](#)

اه اه فانطلقا حتى اذا لقي غلاما فقتله. قال اقتلت نفسا زكية بغير نفس؟ الطفل ده لو كان كبر وعلى الكفر كان ممكن يبقى السبب في كفر امه وابوه وفي فتنة امه وابوه في دينهم وفي شقائهم في دنيتهم. وفي تعذيبهم في دنيتهم. ولكن لما رزقوا ابن تاني - [00:19:37](#)

كبار متدين صالح عرفوا الفرق ما بين ده وما بين ده وحمدوا ربنا سبحانه وتعالى. التاليتين فانطلقا حتى اذا اتى اهل قرية استطعما اهلها فابوا ان يضيفوهما فوجدا فيها جدارا يريد ان ينقض فاقامه. قال لو شئت لاتخذت - [00:19:57](#)

في اجرى آآ طفلين آآ يتامى غلابة يا عيني. ابوهم مات. وابوهم كان عاين كنز لهم. ولكن ابوهم مات في بلد غريبة من غير ما يقدر يعرفهم مكان الكنز. فطلع الطفلين دول يتامى. وكانوا في بلد لئام. بلد لئيمة لدرجة ان موسى والخضر بيستطعموهم. ما - [00:20:17](#)
ان هم يدوهم وجبة اصلا. ما رضوش ان هم يطعموهم. فبلد لئيمة. عشان كده واما الجدار فكان لغلامين يتيمين في الايه؟ في المدينة. في المدينة وهم مش عايشين في القرية اللي فيها البيت اصلا. ما عرفوش يعيشوا وسط هؤلاء الناس اللي - [00:20:37](#)

فممكن واحد يبص يقول ياه ليه كده؟ طب كان ابوهم يعرفهم مكان الكنز؟ طب ليه ابوهم بيموت اصلا؟ طب ليه يطلعوا يتامي
وكان فقرا؟ دول لو كانوا عرفوا كنز من وهم صغيرين كان الف واحد ممكن يطمع فيهم ويقتلهم عشان ياخذ المال. وكان لو عرفوا
مكان الكنز من وهم صغيرين كان ممكن يطلعوا اطفال مترفين - [00:20:53](#)

يطلعوا اطفال ما فيش فيهم اي خير. زي الاطفال ولاد الاغنيا اللي بيطلعوا مترفين. ما هماش عارفين يشيلوا مسؤولية حاجة في
الحياة. فاشلين عايشين على فلوس امهم وخلص يعني فتخيل كده ان اليتيمين دول منع المال عنهم كان خير. ليه؟ لما يكبروا وبيقوا
رجالة يجي لهم - [00:21:13](#)

السروة ويجي لهم الغنى يعرفوا ان هم يستفيدوا منها. ففي النهاية الخضر بيقول لموسى رحمة من ربك. كل ده رحمة من ربنا. كل
الابتلاءات الوجه الاخر للابتلاء وجه الرحمة العظيمة. ثالثا فتبارك الله احسن الخالقين - [00:21:33](#)

الله احسن يعني ايه فتبارك الله يا جماعة؟ تبارك لما حد يشوف مسلا حد وشه جميل اوي او مسلا لما حد واحدة تشوف امرأة وشها
جميل اوي اوي اوي. تقوم تقول ايه؟ تبارك الخلاق فيما خلق. يعني ايه تبارك؟ يعني الجمال بيتفجر من كل ملمح من ملامح -
[00:21:53](#)

وشها الجمال كأنه قعد يفيض كده من كل ملمح من ملامح وشها. يعني ايه؟ فتبارك الله احسن الخالقين. يعني اعجاز وجلال ربنا
بيتفجر من كل ملمح من ملامح جسمك. لو بصيت على اي ملمح من ملامح جسمك بيتفجر الاعجاز منه. زي - [00:22:13](#)
الذي بيده الملك. اي حاجة في الكون تبص عليها معجزة. معجزة. فتبارك الله احسن الخالقين. شاور على اي حنة في جسمك شاور
على اي جزء جواك شف ربنا عمل لك ايه. وشف الاعجاز اللي في كل جزء من جسمك شكله ايه؟ وفي انفسكم افلا تبصرون -
[00:22:33](#)

افلا تبصرون المفسرون بيقولوا استفهام استنكاري. الله ينكر على البشر. انتم مش شايفين. فتبارك الله. بص لاي ملمح اختار اي ملمح
في جسمك قلبك قلبك بينبض ميت الف نبضة في اليوم. يعني السنة اللي فاتت دي قلبك نبض ستة وتلاتين مليون نبضة. لو كان ربنا
طلب - [00:22:53](#)

منك قصادهم في السنة ستة وتلاتين مليون تسبيحة. والا قلبك مش هينبض تاني. رثتك بتتنفس في اليوم ستة وعشرين الف مرة.
ستة وعشرين لو كان كل نفس بجنيه. كان مين يدفع ستة وعشرين الف جنيه؟ ستة وعشرين الف مرة. يعني في السنة رثتك بتتنفس
عشرة مليون نفس - [00:23:13](#)

بتسحب فيهم هواء نضيف خمسة مليون لتر هوا نضيف. خمسة مليون لتر هوا. تخيل ربنا اداك بلا حساب ربنا اداك كثير اوي ربنا اداك
بكرم ربنا اداك بجود لو ربنا طلب قصاد العشرة مليون نفس دول عشرة مليون استغفار - [00:23:33](#)

كل سنة كنت عملت ايه؟ الغدة اللي ورا العضمة اللي في نص الصدر ديت الغدة اللي وراها اللي هي السايونس جلاند اللي هي الغدة
التيמושية. الغدة من اعاجيب خلق الله. ومن اعاجيب نعم الله سبحانه وتعالى. العضم جوة نخاع العضم بتاعك بيتكون خلايا المناعة.
خلايا المناعة - [00:23:53](#)

اللي هو جنود المشاة والمدركات والمدفعية بتاعة جسمك. والا اي فيروس صغير يدخل جوة جسمك يضيعك. اي ميكروب صغير
ينهي حياتك. هو بتاع الايدز بيدمر حياته ليه؟ لان جهاز المناعة بتاعه ده بيتدمر. جهاز المناعة اللي هو حامي حمى الجنس -
[00:24:13](#)

حامي حدود الجسم لما بتاع الايدز على الزنا اجترأ على حدود البشر واجترأ على حدود الله. فربنا عاقبه في يا اللي بتحمي حدود
جسمه وهي جهاز المناعة. فخلايا المناعة بتتكون جوة نخاع العضم بتاعك. طب خلايا المناعة ديت عاملة لسة نقدر نقول مسلا ايه -
[00:24:33](#)

يعني هي المفروض هتحمي الجسم بس هي مش فاهمة اي حاجة. ده هي خلايا كده مش عارفة حاجة. تقوم لازم تدخل كلية شرطة.
لازم تدخل كلية كده تتعلم الجسم ازاى؟ اهي كلية الشرطة بتاعة الجسم هي الغدة التيموسية دي بقى. يقوم خلايا المناعة كلها رايحة

لهذه الغدة. دي ياخذوا فيها - 00:24:53

دورة تدريبية تتعلم خلية المناعة ايه الفرق بين خلية الجسم؟ احسن تيجي تدافع عنك تقوم مدمرة جسمك. ما هو ده نوع من انواع الامراض ان الجسم يدمر ونفسه تقوم مدمرة جسمك. وتتعلم فيه يعني ايه ميكروب؟ يعني ايه بكتيريا؟ يعني ايه كائن غريب عشان تعرف تضرب مين وما تضربش مين؟ الخلية اللي بتفشل في الدورة - 00:25:13

التدريبية ديت بتتقتل. الجسم بيعدها لانها ما ينفعش تبقى خطر على الجسم. ويخرج من الغدة ديت من هذه الغدة التيموسية. خلايا فاهمة ازاى تدافع عن جسمك. مين اللي رتب الترتيب ده؟ مين اللي عمل لك كده؟ مين من الزي وفي انفسكم افلا تبصرون - 00:25:33

اي الاء ربكما تكذبان. تخيل سبحان الله العظيم ربنا اداك لسان بيتزوق اربعتلاف نوع من انواع الطعون. اربع لسان ييفرق ما بين اربعتلاف نوع من انواع الطاعة. عشان طعم المشويات يبقى غير طعم المقلبات. يبقى غير طعم البحريرات. يبقى غير طعم اللحوم.

يبقى غير - 00:25:53

ربنا بيمتلك وده في الدنيا امال في الجنة هيبقى شكلها ايه؟ ربنا بيمتلك. مناخيرك بتشم عشر تلاف نوع من انواع الروائح. عشان تشم كل العطور اللي في الدنيا وعشان تمارس الدنيا بقمة الاريحية. عشر تلاف نوع. الله سبحانه وتعالى المركز الذاكرة اللي في مخك - 00:26:13

قدرته انه يسجل كل يوم نص مليون صورة. يعني الهارد ديسك اللي جوة مخك اللي هو لو باز ربنا يعافينا. ما تفتكرش اصلا ازاى طاقت حاجتك. تروح الحمام ازاى تنسى - 00:26:33

المركز ده بيسجل كل يوم نص مليون. نص مليون صورة. مين اللي عمل لك كده؟ شبكة الاوعية الدموية اللي جوة جسمك انت عندك الف مليار خلية فشبكة الاوردة والشرايين والحاجات الصغنة بقى والاوعية الدموية اللي بتوصل لكل خلية. لو اتفردت جنب بعضها تلف حوالين الكرة الارضية - 00:26:47

اربع مرات من عند خط الاستواء. ده دي شبكة طرق داخلية في جسمك ربنا مديها لك. الجينات بتاعتك الجينات اللي جوة نواة الخلية بتاعتك الجين ده الجين ده قال لك الجين ده فيه كل معلومات جسمك. العلماء قالوا لو كتبنا المعلومات اللي في الجيم في ورق عايزين الف - 00:27:07

قلد كل مجلد خمسمية صفحة. ده المجلد ده اسم مكتوب عليه اسمك انت. ده ده معلومات جسمك. ده النعم اللي ربنا اداها لك في جسمك ما نفدت كلمات الله ما نفدت ربنا اداك ايات لا حصر لها. في الجسم بتاعك. ما نفدت كلمات - 00:27:27

اه الجينات ده الجينات قال لك المعلومات بتاعتك اللي في جيناتك لو اتحطت على فلاش اربعة جيجا قال لك يبقى عايزين مليار حرف لاشا اربعة جيجا عشان يتحط عليها المعلومات اللي على الجينات بتاعتك. وفي النهاية جيناتك دي ايه؟ حاجة لا تذكر في المساحة. لو - 00:27:47

وربطناها ببعض توصل من الارض للشمس. ثلاثة وتسعين مليون ميل. خلايا مخك لو اتفردت جنب بعض توصل من الارض للقمر كل ده نعم ربنا اداها لك. ربنا غرقك بها. تمنها ايه؟ اديت لربنا ايه؟ ويجي الانسان بعد كده لما يبتلى في نعمة من ملايين - 00:28:07

نعم يسيء الظن بالله. وينسى ربنا عمل له ايه؟ وينسى قدرة ربنا وينسى رحمة ربنا سبحانه وتعالى. فتباعد الله احسن الخالقين. انت عضلك بيكون كل سانية اتنين ونص مليون كرة دم حمرا. كل سانية كل سانية - 00:28:27

اتنين ونص مليون كرة دم حمرا. كرات الدم الحمرا دي اللي بتروح الرئة تشيل الاكسجين وتروح للاف مليار خلية في جسمك توصل الاكسجين كرات الدم الحمرا دي من غيرها انت تموت في سانية. عشان كده عددها جبار. لان هي عاملة زي الشياطين مليارات الشياطين يروحوا الرئة يشيلوا الاكسجين - 00:28:47

ويجروا يلفوا على الجسم كله يوزعوا الاكسجين على الجسم. فتخيل لو كان ربنا قصاد الاتنين ونص مليون كرة دم حمرا اللي بيتكونوا كل سانية. ربنا طلب منك اتنين ونص كلمة الحمد لله كل سانية. كنت تقدر كنت تقدر انك انت تحمد ربنا. كبك كبدك ده

تلتميت مليار خلية - 00:29:07

كبدك ده بيؤدي خمسميت وزيفة. خمسميت وزيفة. ييجي الملحين يقول لك الموضوع جاي صدفة. جاي صدفة ازاي؟ خمسمية وزيفة كلهم في مصلحتك. ما فيش ولا وظيفة منهم طلعت صدفة كده ضد مصلحة الجسم. والخمسميت وظيفة كلهم سبحانه الله -

00:29:27

انت محتاجهم. ما فيش ولا وظيفة منهم ينفع انك تستغنى عنها. والخمسميت وزيفة ما بيعملهمش غيره. ايه ده! ايه جازب المهول ده. يعني ده كلام كبير يا جماعة. فيه كلام بقى بسيط جدا. طالعة ترعب. اللي يشوفك وانت ماشي في الشارع - 00:29:47
منك سبحانه الله يا اخواني. يعني الواحد فكر في نعمة الكوع داهو. الكوع ده المفصل ده اسمه الايه؟ المرفق. اشمعنى سموه المرفق اشمعنى سموه من الرفق؟ اشمعنى يعني سبحانه الله العظيم جرب كده ان ما فيش مرفق. يعني تخيل ان ما فيش كوع. تعال ناكل

00:30:07 كده هتاكل -

ازاي؟ طب بلاش اكل. طب حاول كده تلبس. حاول كده تخلع اللبس اللي انت لابسه. هتخلعه ازاي؟ طب حاول تلبس حاجة جديدة؟ ما فيش. طيب حاول ان انت طب الوقتي الحثة ديت بتحك جت ناموسة قرصتني عايز احك فيها. طب احك فيها ازاي؟ ما اعرفش. طب انا عايز اسوق - 00:30:27

طب اسوق العربية ازاي؟ ما اعرفش. حياتك كلها تتشل لو المفصل ده وقف. حياتك كلها تبقى عنت لو المفصل ده وقف ده مفصل واحد من مفاصل جسمك. لو انت قعدت تتخيل مع مفصل مفصل بقى من مفاصل جسمك هتقعد تضحك. هتضحك على اعجاز ربنا في نعمة خلق المفاصل جوة - 00:30:47

اسمك لسان المزمار. حثة اللحمية الصغيرة اللي في الزور بتاعك. لسان المزمار ده عسكري مرور. ربنا موقفه في زورك. ييجي اكل ينزل والماية تنزل. عسكري المرور. يقوم قافل مجرى النفس على طول. الاكل ينزل ايه؟ هنيئا مريئا للمعدة. بعد كده الاكل نزل عدى -

00:31:07

انت عايز تتنفس عسكري المرور يقوم فاتح مجرى النفس يقوم الهوا يدخل. بعد كده لقيت حثة شوكلاتاية ولا كوباية ماية بتشرب عسكري المرور تقوم على طول مدي الاشارة الحمرا قافل. المجرى بتاع النفس. ايه ده! مين اللي رتب لك حثة اللحمية دي؟ من غير الحثة اللحمية الصغيرة دية حياتك كان يبقى شكلها ايه - 00:31:27

فتبارك الله فتبارك الله احسن الخالقين. الموضوع لا يحصر. العنصر الرابع يرسل السماء عليكم مدرارا يرسل السماء عليكم مدرارا. في سورة هود يا اخوانا كل النعم ديت ربنا اداها لك وانت ما عملتش اي حاجة - 00:31:47

كل النعم دي ربنا اداها لك ببلاش كل النعم دي ربنا اداها لك قبل ما تصلي. ربنا اداها للكافر زي ما اداها لك. ربنا اداها لك من غير ما تصلي من غير ما تزكي. من غير ما تعبده - 00:32:06

من غير ما تسبحوا. من غير ما تستغفروا. النعم دي ربنا اداها لك من غير ما تلتزم بطاعة ربنا. من غير ما تلتزم بشريعة من غير ما تبقى انسان ملتزم بدين ربنا او مال لو التزمت بقى اذا كان كل النعم دي ربنا اداها لك من غيرك ها من غير ما انت تعمل حاجة -

00:32:20

اصلا امال لو عملت؟ او مال لو عبت؟ او مال لو اتقيتم؟ او مال لو اقبلت عليه اقبل ولا تخف يرسل السماء عليكم مدرارا. قال تعالى وان استغفروا ربكم ثم توبوا اليه. ثم دي ببسموها الانتقال الرتبي. يعني ايه - 00:32:40

يعني الحاجة الثانية اعلى من الاولانية. يعني استغفر استغفر يعني ايه؟ بطل معاصي بقى. خلاص بقى استغفر الله العظيم بقى. طب امال يعني ايه تب تب يعني صلح كل حاجة - 00:33:01

يعني خليك انسان ملتزم بدينه بقى. وان استغفروا ربكم ثم توبوا اليه. يرسل السماء عليكم مدرارا. ويزدكم هو يرسل ويزيدكم علماء اللغة بيقلولوا مجزومين. يعني ايه مجزومين؟ يرسل. يعني المفروض يرسلوا الفعل المضارع بيرفع - 00:33:11

الفعل المضارع. قال لك دول مجزومين. طب مجزومين ليه؟ يعني استغفروا يرسل. استغفروا يزيدكم مجزوم لليقين الراسخ ان لا

يمكن هتستغفاره وتتوب اليه وهيسيبك. زي قول الله في سورة نوح كده فقلت استغفروا ربكم انه كان غفارا - [00:33:31](#)

طب لما نستغفره يحصل ايه؟ يرسل يرسل ايه؟ مكذومة السماء عليكم مدرارا. ويمدكم باموال وبنين برضه مجزومة. ويجعل لكم

جنات مجزومة ويجعل لكم انهارا. مكزومة. يعني يقين جازم راسخ في عطاءات ربنا لو انت - [00:33:51](#)

اتقيت ربنا وتبت الى الله. وان استغفروا ربكم ثم توبوا اليه يرسل السماء عليكم مدرارا. كل واحد يا جماعة مستني من السما غير اللي الثاني يعني المزارع مستني المطر. انما انا مش مستني المطر من السما. وان كنا كلنا محتاجينه. انا عايز ابواب السما تتفتح للدعاء

بتاعي. يرسل السماء - [00:34:11](#)

عليكم مدرارا. وانا واحد عايز ربنا يفهمني القرآن والدين. عايز فتوحات من ربنا في الفهم. يرسل السماء. يرسل السماء عليكم مدرارا.

ان عليك عطاءات الله انهمارا من السماء. ان ابواب السماء ما عادتش تبقى مقفولة. في تنزل الفتوحات - [00:34:31](#)

عليك من الله سبحانه وتعالى. ويزدكم قوة الى قوتكم. بعض المفسرين قالوا يزيدكم قوة يعني زرية. يدبك زرية واولاد واحفاد. بعض المفسرين قالوا قوة اي قوة على الجماع. بعض المفسرين قالوا قوة اي قوة في البدن وشدة في البدن. بعض المفسرين قالوا يزيدكم

قوة الى قوتكم. ان يزيدكم عزا - [00:34:51](#)

اعزكم بعض المفسرين وهيزيدكم ربنا بيوعدك وعود الله سبحانه وتعالى. للناس اللي هتعبد ربنا. اللي اداك النعم دي كلها لو انت

قطعته انه هيسخر لك كل شيه. دلوقتي واحنا بنتكلم في رحمة من ربك وسيدنا - [00:35:11](#)

والخضر استطعم اهلها آ فابوا ان يضيفوها فوجد فيها جدارا يريد ان ينقض. اللي قرأ سورة الكهف النهاردة بقى اريد ان ينقض هو

الجدار له ارادة. يريد ان ينقض. كأن الجدار يعرف اولياء الله. عارف موسى والخضر - [00:35:31](#)

غضبان بسبب جرأة الناس على اولياء الله. فعايز يقع يتهد على الذين تجرأوا على اولياء الله هو الجدار عارف هو الجدار عارف

موسى والخضر من احمد من ابراهيم من حسين لما في حديس السحابة اسق حديقة فلان. هي السحابة عارفة فلان - [00:35:51](#)

علام يا جماعة لما النملة في سورة النمل بتقول للنمل لا يحطمنكم سليمان. هي النملة عارفة سليمان من ابراهيم من احمد يا اخوانا

الكون يعرف المؤمنين. الكون يعرف اولياء الله الصالحين. اصحاب الكهف في سورة الكهف لما ناموا على ما - [00:36:11](#)

ايرضي الله سبحانه وتعالى ربنا بيقول وترى الشمس اذا طلعت تزاور عن كهفهم. اשמعنى الكهف ده؟ اשמعنى الكهف؟ افغانستان

لوحدها فيها وخمسين الف كهف. الدنيا مليانة ملايين الكهوف. اשמعنى اشعة الشمس تنزل على الارض؟ اشعة الكهف ده بس تيجي

كده تقوم حودة كده - [00:36:31](#)

عشان ما يجي لهمش ضربة شمس وهم نايمين. ما يجي لهمش ضربة شمس. تزاوروا عن كهفهم ذات اليمين. واذا غربت تقرضهم ذات

الشمال. الفاتحة الغربية الكهف بقى تقوم حودة ساعة الغروب مدخلة لهم شمس. ليه؟ لان الانسان محتاج يوميا ثلاث دقائق شمس.

عشان تفاعلات فيتامين دي والتفاعلات اللي - [00:36:51](#)

في الجلد بتاعه. ايه ده! ده ده مش معجزة حصلت مرة. ده تلتमित تلتمية وتسعة سنة. يعني معجزة بتحصل مرتين في اليوم في

تلتمية خمسة وستين يوم في تلتمية سنة ربع مليون معجزة من الشمس بس عشان - [00:37:11](#)

عباد الله الصالحين. عشان الناس اللي بتعبد ربنا. عشان الناس اللي مقبلة على الله سبحانه وتعالى. فآمنوا فمتعناهم. استغفروا ثم

توبوا يمتعكم متاعا حسنا. استغفروا ربكم ثم توبوا اليه يرسل السماء عليكم مدرارا. ويزدكم قوة الى - [00:37:31](#)

قوتكم ولا تتولوا مجرمين. اقول قولني هذا واستغفر الله لكم الحمد لله وكفى. وصلاة وسلاما على عباده الذين اصطفى. اللهم لك

الحمد كله ولك الملك كله. وببيدك الخير كله اليك يرجع الامر كله. الله - [00:37:51](#)

اللهم صلي على عبدك ونبيك محمد صلى الله عليه وسلم. في الاولين والآخرين وفي كل وقت وحين. اما بعد اخواني واحبابي في

الله. تخيل كده لو انت لك واحد صاحبك موزف حكومة. موزف حكومة يعني غلبان قوي يعني. يعني يعني هو ومراته بيزقوا بالعافية

عشان المرتب يكفي. ومن يوم - [00:38:17](#)

في الشهر يبدأ يستلف وحالته غلب يعني. فمرة انت شايفه لقيته راكب عربية سيميا وتمانين. وطالع بها طلاقة كده ايه ده! سارقها

منين ده! وبعد كده العربية قامت واقفة قدام فيلا فخمة جدا. فهو فيه ايه ؟ اه يبقى صاحب الفيلا ديت وهو صاحب العربية بقى وهو ايه اشتغل سائق عنده مسلا. اول ما وقف - [00:38:37](#)

عربية ثلاثة اربعة لابسين يوني فورم قاموا جاربيين عليه. اتفضل يا باشا انزل يا سعادة البيه. سعادة البيه ده العربية دي بتاعته والفيلا دي بتاعته والخدم دول خدم فانت جريت عليه قلت له يا فلان قال لك ايه ؟ قلت له انت جبت كل ده امتى ؟ ده انت كنت مش لاقى تاكل لسة الشهر اللي فات. انت عملت كل ده امتى - [00:38:57](#)

قال لك بص بقى انت صاحبي وحبيبي ولا يمكن اكذب عليك ابدأ. انا راجل حكيم جدا وعاقل جدا انا كل شهر كنت بخزن من المرتب بتاعي حاجة على جنب كده. لا يمكن امد ايدي عليها ابدأ - [00:39:17](#)

شهر ورا شهر ورا شهر حوشت فلوس جبت بهم كل اللي انت شايفه ده. بالله عليك لو انت صدقت وتحكم على نفسك بايه آ لو الراجل ده صدق وتحكم عليه ده يبقى مجنون! يا سلام! هو فيه واحد بيغتنم المرتب بتاعه! لا! اللي بيغتنى ده يقينا خبطة - [00:39:33](#)

صفقة حاجة كده نقلته نقلة ثانية فجأة. اهو ده رمضان يا جماعة. اهو ده رمضان الصفقة جت الصفقة اللي الك نقلة ثانية في علاقتك بالله. الصفقة اللي هتنقلك نقلة ثانية في دينك وفي مستوى ايمانك وبيقينك. وفي مستوى صلتك بالله - [00:39:52](#)

مستوى ارتباطك بالقرآن جت رمضان يا اخوانا. رمضان باقى على رمضان اسابيع. باقى على رمضان حوالي سبع اسابيع. سبع اسابيع ده لو مدرب المنتخب القومي والمسل المنتخب القومي هيلعب مسلا آ في كاس العالم مسلا اول رمضان وجه الوقتي قال هنبدا نستعد الناس هتاكل وشه سبع اسابيع - [00:40:12](#)

حرام عليكم. سبع اسابيع ما ينفعش تستعدوا. اشمعنى في الدين؟ اشمعنى في الامر المتعلق بالدار الآخرة؟ ما فيش حد بيغتنم من مرتبه. يعني انت على عبادات بتاعتك يا دوبك يا اخوانا الزنوب اللي احنا بنعملها والمنكرات اللي بنشوفها وما بنغيرهاش. والظالمين اللي ما بنقولش كلمة الحق في وشهم - [00:40:32](#)

يا دوبك يا اخوانا العبادات دي يتكفر بها الزنوب دي. وربنا كريم. انما في نقلات بقى. في نقلات. رمضان ده نقلة لحياتك. تخيل لو انت مسافر على آ طريق آ صحراوي او جبلي كده زي الطرق بتاعة الصعيد والطرق المخيفة دي اللي بتبقى واسعة والعربيات فيها قليلة والطريق مفتوح - [00:40:52](#)

ايدك وشمالك جبال وقرب المغرب كده وانت مسافر العربية وقفت عطلت فانت هتبات هنا فين وممكن يطلع عليك ديابة طب تعمل ايه يطلع حضرتك عصابة يقتلوك وياخدوا العربية. فانت مرعوب خايف. فطلعت الموبايل وانت بقيت بترتعش. تتصل بحد يبجي ينقذك. التليفون رن - [00:41:12](#)

لسة بيقول الو فصل شحن. تخيل بقى انت قهرتك ساعتها هيبقى شكلها ايه. ليه ؟ فيه مواقف لا تحتمل ان تليفونك يفصل فيها شحن كذلك في مواقف لا تحتمل ان قلبك يفصل فيها شحن. فيه مواقف لا تحتمل ان قلبك يفصل فيها شحن. رمضان اخطر من - [00:41:32](#)

ابن قلبك يفصل فيه شحن. رمضان اخطر من كده. عشان كده لازم تبقى شاحن له كويس. لازم تبقى شاحن قبل رمضان كويس. يعني لما كنا مرة آ مسافرين في الصعيد واحنا مسافرين يعني اخ بيوصلنا واحد كده سائق محترف بيسوق على العربية وشارع عربية زيرو - [00:41:52](#)

عربية لسة شاريتها زيرو ونزلنا بقى مش عارف مطار اسويط ولا مطار ايه يعني خدنا واحنا طاييرين طايير على سورة مية وخمسين كيلو والواحد قعد يقرأ شوية ورق كده وفجأة لقيت العربية بتتهز. فبابص لقيت موتوسيكل فجأة زهر قدامنا فالسائق اللي احنا معه بالعربية حاول ان هو يتفادى الموتوسيكل - [00:42:12](#)

بيفرمل العربية قامت داخله في الحارة الثانية. يعني العربيات اللي جاية في وشنا. وبعد كده دارت مية وتمانين درجة وقامت راجعة للحارة بتاعتنا ووشها للعربيات اللي جاية ورانا. يعني لو - [00:42:32](#)

عربية ورانا كنا نسفنا بعض. يعني الحمد لله على لطف الله. الله لطيف بعباده. وبعد كده العربية قامت مقلوبة اربع قلبات. وقفت على شط ترعة ترعة صخرية اشترى عاطنية ما فيش فيها مائة. يعني لو العربية كانت لفت اللفة الخامسة كانت اتعجنت تحت. سبحان الله العظيم يا اخواني حديسة يعني شديدة جدا - [00:42:44](#)

والواحد بعدها لما فكر فيها يعني قلت سبحان الله ما فيش فرامل في الدنيا تقدر انها توقف عربية وهي طيارة على سرعة مية وخمسين لازم تفرمل من بدري. اهي دي القضية دلوقتي في رمضان. انت الوقتي بيتيهيا لك ان اول ما يبجي رمضان عربية الدنيا اللي طيارة ومنطلقة في قلبك دي. هتقوم مفرمل - [00:43:04](#)

وتبدأ بقى تستمتع بربضان وتعبد في رمضان. ما فيش الكلام ده. العربية هتقلب بك. لازم تفرمل من بدري. لازم تبدأ تدوس فرامل. على الدنيا بقى من الوقت لازم تبدأ من الوقت تطلع المصحف بتاعك. تبدأ من الوقت تقرا قرآن كل يوم. تبدأ من الوقت تصلي ولو نص ساعة قبل الفجر كل يوم. تبدأ من الوقت تتدرب - [00:43:24](#)

على الصيام ولو اتنين كل اسبوع او خميس كل اسبوع او اتنين وخميس. لازم الوقت تبدأ تتجهز. ما فيش الدنيا رمضان مش دراع. رمضان مش آآ ما تبقاش عامل زي واحد بيتفرج على التلفزيون - [00:43:44](#)

لأه في برنامج رفع اثقال واحد حطه قدامه تلتमित كيلو حديد شالهم الجمهور كله سقف سخن قام نازل على الجيم اللي جنب بيته هات لي تلتमित كيلو حديد اعمل ايه؟ هات لي تلتमित كيلو. حطوا الكابتن قدامه التلتमित كيلو. جاي يرفعهم قام نام جنبهم. يا ابني الموضوع مش كده. لازم تتدرب الاول على العشرين كيلو. وبعد كده اربعين - [00:43:57](#)

وفي اول التدريب هيجي لك شد عضلي وبعد كده تتدرب على ستين كيلو. الموضوع عمر يا اخوانا. اهو رمضان كده. مش اول ما يبجي رمضان ليرين الله ما يعني ايه لا يراني الله فجأة هتبقى سوبر مان يعني! يعني فجأة هتقلب يعني! ما انت لازم تتدرب من الوقتي! ما انت لازم تسخن من الوقتي! ومين اللي قال لك ان ده ممكن - [00:44:17](#)

اخر رمضان في حياتك. كل سنة بيموت على وجه الارض ميت مليون بني ادم. ميت مليون بني ادم. يعني من ساعة ما بدأنا كل سانية على وجه الارض بيموت اتنين من البشر - [00:44:37](#)

وبيتولد ثلاثة. كل سنة كل يوم بيموت ربع مليون انسان. في سنة كاملة يبقى مية مليون بني ادم. يعني لحد ما رمضان يبجي يا اخوانا هيموت على الارض حوالي يعني كم حوالي مسلا خمستاشر مليون بني ادم. من الوقت لحد رمضان. انت تضمن مين انك انت ما نتاش واحد من خمستاشر مليون ده - [00:44:47](#)

يعني الورق ده ده ورق واحد من الشباب. واحد من الشباب يعني اخوانا يعني الله يرحمه كان دكتور اسنان. الله يرحمه شاب صغير الشاب ده مات يوم حوالي ستة وعشرين شعبان. قبل رمضان بايام. الورق ده - [00:45:07](#)

كان اخوه جابه لي ورق استعداد لرمضان. الورق بتاع الاستعداد. فملف كبير قعدت اقرا فيه. لقيته قاعد من قبل رمضان بمدة طويلة يسمع دروس تفسير عشان قلبه يلقط مع القرآن. ويسمع دروس عن اسماء الله الحسنى عشان يتشوق انه يعبد ربنا بحب. قاعد يستعد - [00:45:23](#)

رمضان ومات قبل رمضان. يعني ده بازن الله في ميزان رمضان لانه مات على نية العبادة. لانه مات على نية الاستعداد. مات على نية الصدق والله وحسيبه تضمن مين؟ ان انت مش هتموت. تضمن مين ان رمضان الجاي ده مش اخر رمضان في حياتك؟ ده كان اخر رمضان في حياته وهو ما هوش عارف. كان اخر شعبان في حياته - [00:45:43](#)

وهو مش عارف تضمن مين ان انت اجلك مش هيجي لك. الاجل ما بيعرفش سن. ما لوش دعوة بالسليم والمريض. ما لوش دعوة بالكبير والصغير. الموت ما لوش يا جماعة فانت تضمن مين؟ عايزين نستعد لرمضان استعداد حقيقي. عايزين نجتهد في العلاقة بالقرآن. مين فيكم اللي ما قراش سورة الكهف النهاردة؟ مين سورة الكهف اللي الرسول - [00:46:03](#)

دعانا للقراءة كل اسبوع. مين فيكم يا اخوانا ما صلاح ولا نص ساعة حتى قيام ليل. ولو مرتين ثلاثة الاسبوع ده. عايزين نبداً نتجهز نفك الجبس بقى اللي بيفك الجبس ما يقدرش يحرك ايده فجأة. ليه؟ لان ايده لسه يقولوا له انت قدامك شهر اما تعرف تمسك

اي حاجة بايدك. نفك الجبس من الوقت عشان اما ييجي - 00:46:23

قلوبنا يبقى اتفك الجبس من عليها. نقدر ان احنا ننطلق. نقدر ان احنا نشكر ربنا. النعم اللي قعدنا نتكلم عنها في الخطبة. اشكر ربنا على نعمة واحدة منها بس انك تستعد لرمضان صح. اشكر ربنا عليها. ان رمضان ده تنوي انه هيبقى نقطة فارقة في حياتك. انه يبقى رمضان في الكون. انه يبقى - 00:46:43

نقطة فاصلة في حياتك اللهم بلغنا رمضان. واجعلنا فيه من الفائزين. اللهم بلغنا ليلة القدر. واجعلنا فيها من الفائزين اللهم استعملنا ولا تستبدل بنا. اللهم استعملنا ولا تستبدل بنا. اللهم انا نستغفرك من كل - [00:47:03](#)
 ذنب عصيائك به ونستغفرك من كل صلاة ضيعناها ونستغفرك من كل ذنب تبني اليك منه ثم عدنا فيه ونستغفرك من كل امر فعلناه
 نظنه حلال وهو عندك حرام. ونستغفرك من كل نظرة الى حرام نظرناها - [00:47:23](#)

ومن كل خطوة الى حرام مشيناها. يا من تبسط يدك بالليل ليتوب مسيء النهار. تب علينا يا ربنا من ذنوب الليل والنهار اللهم طهر مصر من المواقع الفاسدة. اللهم طهر مصر من الزنا والخنا. اللهم طهر مصر من الرشوة والربا. اللهم طهر مصر من الخمر والمخدرات -

00:47:43

اللهم طهر مصر من التبرج والسفور. اللهم انصر دينك واعز اوليائك. اللهم اذن لدينك ان يسود لشرعك ان يقود. واذن لكتابك ان يحكم. اللهم انزل هدايتك على اهل مصر. اللهم انزل هدايتك على قلوب شبابها - [00:48:03](#)

وفتياتها ورجالها ونسائها واطفالها. اللهم اجعل رمضان القادم فتحا على امة حبيبك. اللهم اجعله فتحا علينا في ديننا وديانا. اللهم فرج كربتنا. اللهم اشف امراضنا. اللهم ادى الدين عن مديننا - [00:48:23](#)

اللهم اغثنا في ديننا ودنيانا. اللهم اغثنا بالقرآن العظيم. اللهم اكرمنا ولا تهنا. واعطنا ولا تحرمنا واعطنا ولا تحرمنا واثرا ولا تؤثر علينا واهدنا ويسر الهدى الينا برحمتك يا ارحم الراحمين. سبحانك اللهم - [00:48:43](#)

وبحمدك اشهد ان لا اله الا انت استغفرك واتوب اليك - [00:49:03](#)